

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-33063-56/19 III MG
Sarajevo, 29.10.2019. godine

SKUPŠTINA KANTONA SARAJEVO
n/r Elmedin Konaković, predsjedavajući
- ovdje -

PREDMET: Odgovor na zastupničko pitanje zastupnika Zvonka Marića

Zastupnik Zvonko Marić na Trinaestoj radnoj sjednici Skupštine Kantona Sarajevo, održanoj dana 25.09.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavio je zastupničko pitanje:

“Molim Vladu Kantona Sarajevo, Ministarstvo privrede, Ministarstvo komunalne privrede, Ministarstvo prostornog uređenja, građenja i zaštite okoliša, da mi predoči pravni okvir koji JASNO pokazuje obaveze svakog pojedinačnog gore pomenutog ministarstva po pitanju upravljanja RCUO Smiljevići. Molim resorne ministre da odgovore na moje pitanje nakon međusobnih konsultacija sva tri ministarstva, jer problemi na RCUO Smiljevići zahtijevaju jasan pravni okvir kako bi svako ministarstvo preuzelo svoje obaveze i da ukoliko se dese neki propusti svako ministarstvo bude odgovorno za svoje zakonske obaveze, a informacija je takođe potrebna nama zastupnicima kako bi svoja pitanja i inicijative upućivali na tačne adrese.”

ODGOVOR:

Centar za upravljanje otpadom definisan je Zakonom o upravljanju otpadom Federacije BiH kao “sistem građevina i uređaja za tretman, povrat komponenti i/ili zbrinjavanje otpada”.

Strateškim dokumentima iz oblasti zaštite okoliša Federacije BiH (Federalna strategija zaštite okoliša, Federalni plan upravljanja otpadom) utvrđen je sadržaj i način funkcionisanja centra, a strateškim dokumentima Kantona Sarajevo (Plan upravljanja otpadom KS, Prostorni plan KS) sadržaji i način uspostavljanja Regionalnog centra za upravljanje otpadom Smiljevići.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



U Izmjenama i dopunama Prostornog plana Kantona Sarajevo za period 2003-2023.godina ("Službene novine Kantona Sarajevo" broj 22/17), formiranje RCUO Smiljevići navedeno je u poglavlju komunalni otpad, ali i u poglavlju upravljanje posebnim kategorijama otpada. Za posebne kategorije otpada, u skladu sa Zakonom o upravljanju otpadom donose se posebni pravilnici, a neke od posebnih vrsta otpada sadržane su i u komunalnom otpadu.

Najširi regulatorni okvir u oblasti upravljanja otpadom predstavlja Zakon o upravljanju otpadom Federacije BiH ("Službene novine Federacije BiH", br. 33/03, 72/09 i 92/17), za koji je nadležno Federalno ministarstvo okoliša i turizma i kantonalna ministarstva okoliša.

Prema **članu 11.** Zakona o upravljanju otpadom:

"Poslove upravljanja otpadom iz nadležnosti Federacije BiH vrši Federalno ministarstvo u saradnji sa Federalnim ministarstvom zdravlja i drugim nadležnim ministarstvima.

Poslove prekograničnog prometa otpada i poslove upravljanja otpadom i postrojenjima za tretman otpada, koji obuhvataju područje dva ili više kantona, vrši Federalno ministarstvo.

Izuzev poslova iz stava 2. ovog člana, poslove upravljanja svim vrstama otpada, određivanje lokacija i zemljišta u poslovima upravljanja otpadom i postrojenjima vrši kantonalno ministarstvo."

Član 9. Zakona definiše da je svaki kanton obavezan donijeti Plan upravljanja otpadom na svom području. Ministarstvo prostornog uređenja, građenja i zaštite okoliša je nadležno za pripremu Plana upravljanja otpadom Kantona Sarajevo.

Član 12. Zakona: Za obavljanje aktivnosti upravljanja otpadom i njegovog odlaganja potrebno je pribaviti dozvolu, osim ako ovim zakonom nije drugačije određeno. **Član 13.** Zakona bliže definiše sadržaj dozvole, a član 34. sadržaj dozvole za deponiju. Izdavanje dozvola za upravljanje otpadom u nadležnosti je Ministarstva prostornog uređenja građenja i zaštite okoliša.

Članom 24. Zakona o upravljanju otpadom utvrđena je odgovornost proizvođača i vlasnika otpada. Proizvođač i vlasnik otpada dužni su skupljati, brinuti se o ponovnom korištenju i reciklaži ili odlaganju otpada koji je produkovan zbog njihovih aktivnosti ili otpada kojeg posjeduju, što znači da je sektor koji generiše otpad dužan da izradi strateški okvir za upravljanje tim otpadom. Tako je Ministarstvo privrede nadležno za otpad životinjskog porijekla prema Zakonu o veterinarstvu. Pravilnik o upravljanju medicinskim otpadom donio je federalni ministar okoliša u saradnji sa federalnim ministrom zdravlja, a nadzor vrši inspektor zdravlja.

Upravljanje komunalnim otpadom uređeno je članovima **25.-28.** Zakona o upravljanju otpadom.

Član 25. Zakona definiše da se "skupljanje i tretiranje komunalnog otpada vrši u skladu sa posebnim propisom o komunalnim djelatnostima. Kantonalnim propisom uredit će se osnivanje i rad komunalnih preduzeća i obaveze općina u pružanju komunalnih usluga". U **članu 28.** Zakona je propisan sadržaj kantonalnog propisa koji će se donijeti u skladu sa propisom o komunalnim djelatnostima.

Upravljanje komunalnim otpadom na području Kantona Sarajevo regulisano je Zakonom o komunalnim djelatnostima („Službene novine Kantona Sarajevo“ br. 14/16, 43/16, 10/17-ispravka, 19/17, 20/18, 22/19) i Zakonom o komunalnoj čistoći („Službene novine Kantona Sarajevo“ br. 14/16, 43/16, 19/17, 20/18, 22/19), čije provođenje je u nadležnosti Ministarstva komunalne privrede i infrastrukture.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1




U skladu sa **članom 3.** Zakona o komunalnim djelatnostima, komunalne djelatnosti individualne komunalne potrošenje su: f) prikupljanje i odvoz komunalnog otpada iz stambenih i poslovnih zgrada i poslovnih prostora na deponiju; g) odlaganje komunalnog otpada.

Članom 2. Zakona o komunalnoj čistoći, "komunalnom čistoćom, smatra se, između ostalog, prikupljanje, odvoženje i deponovanje komunalnih otpadaka, uništavanje i prerada komunalnih otpadaka (u daljem tekstu: otpadak) i održavanje deponije".

Članom 36. Zakona o komunalnoj čistoći definisana je deponija kao "mjesto deponovanja otpadaka i drugih otpadnih materijala".

U skladu sa **članom 38.** istog Zakona, održavanje i bliže uslove za korišćenje deponije i mjere zaštite sa aspekta zaštite tla, vodotoka i vazduha, utvrdiće posebnim pravilnikom kantonalni organ nadležan za komunalne poslove.

Iz svega navedenog se može vidjeti da postoji neusaglašenost između propisa koji tretiraju ovu materiju.



MINISTAR

Damiro Rimpovic, MA prava

Dostaviti:

- Naslovu

- Vlada Kantona Sarajevo

- Evidencija

- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

